



Bosnia and Herzegovina  
Federation of Bosnia and Herzegovina

CANTON SARAJEVO  
Canton Development Institute

Broj: 03-033- D.M. 1628/19  
Sarajevo, 06.06.2019. godine

SKUPŠTINA KANTONA SARAJEVO  
Ul. Reisa Džemaludina Čauševića br.1  
71000 Sarajevo

1635

1324

Bosna i Hercegovina  
Federacija Bosne i Hercegovine  
KANTON SARAJEVO

P. O. B. 07-06-2019	
Organizacija	Projekat
01	05 18645-46-

N/r predsjedavajući g. Elmedin Konaković

PREDMET: Projekat rekonstrukcije i adaptacije vrtića Lužani, Općina Ilidža  
- akt Skupštine Kantona Sarajevo br. 01-05-18645-46/19 od 15.05.2019.g.  
Odgovor na zastupničko pitanje

Poštovani,

U nastavku, ispred Zavoda za izgradnju KS, dajemo odgovore na, upućena nam zastupnička pitanja, kako slijedi:

- Kada će biti završena Procedura konačne izrade Projekta rekonstrukcije i adaptacije vrtića Lužani, u Općini Ilidža?

- Po izradi Projektnog zadatka, Zavod za izgradnju KS proveo je dvije procedure javnih nabavki za odabir ponuđača za vršenje usluge „Izrada Glavnog Projekta svih faza rekonstrukcije i adaptacije vrtića Lužani, u Općini Ilidža“.

Prvi tender objavljen je na Portalu javnih nabavki BiH, dana 08.06.2018. godine. U sklopu otvorenog postupka nadmetanja, do krajnjeg roka za predaju ponuda, pristigle su 2 (dvije) ponude; firme „Projekt“ a.d. Banja Luka i firme „Urbiscentar“ d.o.o. Banja Luka. Dana 20.07.2018.g., komisija u kojoj su bili predstavnici svih potpisnika Sporazuma o međusobnoj saradnji na Projektu rekonstrukcije i sanacije vrtića Lužani, Općina Ilidža, donijela je Odluku o poništenju postupka, uz obrazloženje da nijedna od primljenih ponuda nije zadovoljila uslove tražene putem tendera. Obavještenje o ovoj Odluci objavljeno je na Portalu javnih nabavki BiH 16.08.2018.g.

Nakon što je, u konzultacijama sa krajnjim korisnikom, izvršena dopuna Projektnog zadatka, druga tenderska procedura pokrenuta je dana 29.10.2018.g., objavom na Portalu javnih nabavki BiH. Ovaj put, do krajnjeg roka za predaju, pristiglo je 5 (pet) ponuda, a Komisija, u istom sastavu, je po okončanju procedure pregledanja ponuda, 22.01.2019.godine, donijela Odluku o izboru ponuđača za vršenje usluge „Izrada Glavnog Projekta svih faza rekonstrukcije i adaptacije vrtića Lužani, u Općini Ilidža“. Ugovor je dodijeljen firmi „Urbiscentar“ d.o.o. Banja Luka, a u žalbenom roku, na gore pomenutu Odluku, pristigla je žalba od strane Instituta za građevinarstvo „IG“ d.o.o. Banja Luka, kao jednog od učesnika u tenderu. Po razmatranju iste, Komisija je prihvatila Žalbu Instituta za građevinarstvo „IG“ d.o.o. Banja Lukakao osnovanu, te je dana 11.02.2019.godine donijela novu Odluku o izboru ponuđača za vršenje usluge „Izrada Glavnog Projekta svih faza rekonstrukcije i adaptacije vrtića Lužani, u Općini Ilidža“ kojom se



e-mail: zik@zik.ks.gov.ba, http://zik.ks.gov.ba  
Tel: + 387 (0) 33 254-900, + 387 (0) 33 254-945,  
+ 387 (0) 33 254-921  
Fax: + 387 (0) 33 226-523  
Sarajevo, Kaptol 3



Bosnia and Herzegovina  
Federation of Bosnia and Herzegovina

**CANTON SARAJEVO**  
Canton Development Institute

Ugovor, ovaj put, dodjeljuje Institutu za građevinarstvo „IG“ d.o.o. Banja Luka. Ugovor sa odabranim ponuđačem za vršenje usluge „Izrada Glavnog Projekta svih faza rekonstrukcije i adaptacije vrtića Lužani, u Općini Ilidža“, Zavod za izgradnju KS je potpisao dana 12.03.2019.godine, a potpisnici ovog Ugovora su svi potpisnici Sporazuma o međusobnoj saradnji na realizaciji projekta rekonstrukcije i sanacije vrtića Lužani. Ministarstvo za obrazovanje, nauku i mlade KS, potpisalo je Ugovor dana 15.04.2019.g. i ovaj rok se smatra početkom vršenja usluge koja je bila predmet javne nabavke. Projektnim zadatkom predviđeni rok izrade projektne dokumentacije je 60 dana od dana potpisivanja gore navedenog Ugovora. Do prolongiranja roka izrade projektne dokumentacije može doći zbog naknadnog zahtjeva krajnjeg korisnika JU „Djeca Sarajeva“ da se izvrši preprojektovanje kompletnog sprata objekta vrtića Lužani i centralne kuhinje kako bi se isti prilagodili savremenim potrebama ustanove ovog tipa. Po okončanju izrade projektne dokumentacije, predmjer radova će biti dostavljen Općini Ilidža na saglasnost i dalje raspolaganje, u smislu provođenja procedure javnih nabavki za izbor najpovoljnijeg Izvođača radova na rekonstrukciji i sanaciji vrtića Lužani, u Općini Ilidža.

- **Ministarstvo za obrazovanje, nauku i mlade KS je još 2017.g. izdvojilo 800.000,00 KM i taj novac stoji na računu Općine Ilidža i čeka Projekat koji radi Zavod za izgradnju KS. Roditelji djece ovog uzrasta sa nestrpljenjem čekaju adaptaciju ovog vrtića jer do njegove adaptacije plaćaju skuplje privatne vrtiće i vode djecu u druge općine.**
- Iz našeg prethodnog odgovora jasno je da ovaj Zavod, u skladu sa Zakonom o prostornom uređenju („Službene novine KS“ br.24/17 od 22.06.2017.g.), nema ovlaštenje za projektovanje, pa samim time nije ni nosioc izrade projektne dokumentacije za rekonstrukciju i adaptaciju vrtića Lužani, u Općini Ilidža. U skladu sa odredbama Sporazuma o međusobnoj saradnji na realizaciji projekta rekonstrukcije i sanacije vrtića Lužani, naš br. 03-033-926/18 od 20.03.2019.g., potpisanog između Ministarstva za obrazovanje, nauku i mlade KS, Općine Ilidža, JU „Djeca Sarajeva“ i Zavoda za izgradnju KS, ovaj Zavod je preuzeo na sebe obavezu provođenja tenderske procedure za nabavku usluga projektovanja tj. izrade Glavnog Projekta svih faza rekonstrukcije i adaptacije vrtića Lužani, u Općini Ilidža, a na osnovu Projektnog zadatka kojeg, za potrebe tenderske procedure, priprema Zavod za izgradnju KS.

S poštovanjem,

Pripremila: Dejana Maroš Mr.dipl.ing.arh. [redacted]

Kontrolisala: Anka Petrović dipl.ing.građ. [redacted]

Saglasan: Po ovlaštenju direktora [redacted]

Šef Službe za tehnički nadzor [redacted]

Mirsad Okreić dipl.ing.građ. [redacted]

[redacted]  
Mirza Hulusić dipl.ing.arh.

